




# KATILINGBAN

Ang opisyal nga pamantalaan sa Basic Ecclesial Communities (BEC) sa parokya sa Naval

Vol 2, No. 6

website: [www.geocities.com/navaldiocese](http://www.geocities.com/navaldiocese)

Enero 2006



## Mensaje

**BAG-ONG TUIG,  
BAG-ONG KINABUHI**

Tuig 2006 na!  
Daw dili nato maisip  
nga miabot na diay  
kita niini nga tuiga. Pagkadali sa palid sa  
panahon.

Diha sa pagdawat nato sa bag-ong tuig,  
gidawat usab nato ang hagit sa pagbag-o  
sa kinabuhi. Pagbag-o nga kinasingkasing  
gayud.

Bag-ong tuig, oo, apan dili malalis nga  
taliwala sa atong hingyap sa pagbag-o, ang  
kapit-os sa atong panginabuhi karon  
nagpabilin. Sa kalisud sa panginabuhi karon,  
kinsa man ang atong kadangpan? Asa man  
kita mokuha ug kusog alang sa pagsagubang  
niining tanan?

Dios lamang. Maggahin unta kita ug  
panahon pagpangita sa Dios ug pagpadayon  
Kaniya diha sa atong kinabuhi. Ug sa  
pagpangita Kaniya diha sa atong  
kasilinganan. Kay diha sa mga kasingkasing  
sa mga tawong nakapalibot kanato anaa Siya  
buhi ug naghandum sa atong pag-amuma.

**Bag-ong tuig, BAG-ONG KINABUHI!**

Bishop FILOMENO G. BACTOL, D.D.  
ug mga Kaparian sa Naval



## PAMALANDONG SA EBANGHELYO

**Enero 1, 2006** – Pangilin ni Santa maria nga Inahan sa  
Dios  
Basahon: Num. 6:22-27/ Gal. 4:4-7/Lk 2:16-21

### Human sa pagbasa sa Ebanghelyo:

Unsa man nga pulong o mga pulong sa Ebanghelyo ang  
nakapatandong kanimo? Ngano man?

### Tema: (Basahon human sa mga paambit)

Ikawalo karon ka adlaw human ang Pasko sa  
Pagkatawo sa atong Ginoo. Ug mas daghan pang  
mga bahin sa misteryo ang atong nakat-onan ug  
nahibaloan. Ang misteryo sa Dios nga nagpakatawo  
ug misulod sa tawhanong kasaysayan gihandum pag-  
ayo sulod ning mga adlaw usa ka linaing bahin ning  
maong misteryo ang atong gihatagag pagtagad: si  
Maria, ang Inahan sa Dios.

Ang mga Catolico karong panahona  
makahinumdom gayod sa mga lainlaing ngalan niini  
karong adlaw, mga ngalan nga gimando sa  
tradisyon sa Simbahan, sa katilingban ug sa  
daghang mga Santo Papa. Pananglit, karon mao ang  
unang adlaw sa Bag-ong Tuig. Karon usab mao ang  
adlaw anus-a gihimo ang pagtuli sa Batang Jesus.  
Gideklarar usab kini nga Adlaw sa Kalinaw sa tibuok  
kalibutan. Sa pagsusi nga gihimo sa tig-andam sa  
bag-ong kalendaryo, nasuta nga sa atong Simbahan  
mao kini ang labing karaang piyesta ni Maria.  
Taliwala sa malanog nga pagsaulog sa Pasko ug sa  
pagduaw sa mga magbalantay sa karnero, migahin  
kitag panahon pagsaulog kang Maria.

Ang pagsaulog sa Pagka-Inahan ni Maria maoy  
labing una busa nagpasabot lang kini nga maoy  
labing importante niyang titulo. Sa tibuok  
liturhikanhong tuig sa Simbahan, atong gihandum  
ang iyang kinabuhi: gisaulog nato ang Putli nga  
Pagpanamkon niya, ang iyang Pagkatawo, ang

**LJC Rice Mill & Groceries**

Sitio Lupa, Calumpang Ground Floor, Naval Mall  
Owned and Managed by:  
**BONG BONGABONG**

iyang Pagduaw sa iyang ig-agaw si Santa Isabel, ang Pagpasaka kaniya ngadto sa langit. Gipasidunggan nato siya nga Rayna, ang Birhen sa Kasakit, ang Birhen sa Bukid sa Carmen. Gihandum nato siya diha sa mga pag-ampong eyukaristikanhon ug diha sa pag-ampo sa gabii. Sugdan nato karon ang pagpasidungog kang Maria diha sa iyang labing halangdon ug makahuluganong titulo: Maria, Inahan sa Dios. Kini nagpasabot nga :ang Dios nagpadala sa iyang Anak ug gipakatawo Siya pinaagi sa usa ka Babaye.”

**Pamalandongi kini:**

1. Unsa may kahulugan niining maong kasaulogan sa imong Kristohanong kinabuhi?
2. Kinsa man si Maria alang kanimo?

**Enero 8, 2006** – Domingo sa Epipaniya sa Ginoo  
 Basahon: isaias 60:1-6/ Efeso 3:2-3,5-6/ Mateo 2:1-12

**Human sa pagbasa sa Ebanghelyo:**

Unsa man nga pulong o mga pulong sa Ebanghelyo ang nakapatandog kanimo? Ngano man?

**Tema:** (Basahon human sa mga paambit)

Ang panahon sa Pasko nagpadayon uban ang lain na usab nga panlantaw sa Dios diha sa atong kasaysayan. Diha sa iyang pagpakatawo, si Jesus mao ang nagpadayag sa Dios. Mao kini ang panahon anus-a gisaulog nato ang Batang Jesus, apan mas labaw pa niini ang pagpadayag, ang Epipaniya sa Dios ngadto sa tibuok kalibutan.


Ang ebanghelyo nagpadilaab sa daghang mga kasingkasing pinaagi sa sugilanon sa tulo ka mga dumudoong sa Bethlehem. Tinultolan sa dan-ag

sa bituon, miadto sila aron paghald sa ilang mga gasa: bulawan, insenso ug mira. Tinabangan sa unang duha ka mga pagbasa, masabtan nato ang kahukugan niining hamubong yugto. Ang Dios misulod sa atong kasaysayan. Gasa kini alang sa tanan. Posible nga ang tulo ka hari nahiabot sakay sa mga kamelyo gikan sa Midian ug Ephah o nanagdali sila og bulawan ug insenso gikan sa Sheba; apan sila nagtimaan gayod nga ang tibook kanasuran magalakaw diha niining kahayag. Sa karaang Simbahan, nagkahulugan kini nga ang mga Hentil, mga dili-Judio, isipon usab nga mga isigka-manunundo uban sa mga Judio kay mga sakop sa mao ra nga lawas.

Ang atong pagkalingaw paghandum ug pagtuki sa misteryo niining adlaw mas labaw pa gayod kay sa paghunahuna mahitungod sa tulo ka hari. Mas mahinungdanon usab nga sutaon gayod kon unsaon paghubad ang Griyegong pulong: “Magi” Kini sila gitawag nga mga hari, mga maalamong tawo, o mga batid sa kabituonan sa langit. Sa bisan asang panghitabo, sila nagtimailhan sa adlaw anus-a saulogon ang pagpadayag sa Dios pinaagi ni Cristo Jesus. Sa higayon nga saulogon nato ang Epipaniya, atong giharong ang misteryo ni Cristo ug ang atong tubag diha sa pagtuo.

**Pamalandongi kini:**

1. Sa pagsulod sa Dios sa tawhanong kasaysayan siya usab misulod sa atong tagsatagsa ka kinabuhi. Diha sa imong pagkinabuhi, makit-an ba ang Dios?
2. Giunsa man nimo pagtagad ang mga dili nimo isigkamagtutuo? Giisip mo ba silang mga “anak sa gawas” sa ingon dili sila makapanunod sa kaluwasan nga gitanyag kanato sa Dios?

 <p><b>KATILINGBAN</b>  <small>Ang sagad nga mensahe sa Dios: Eccelesia Communis (ECC) sa parokya sa New</small></p> <p><b>TEAM MINISTRY</b>  <i>Team Moderator:</i> Bishop Filomeno G. Bactol, D.D.  <i>Team Members:</i> Fr. Marvyn A. Maceda                  Fr. Benjamin C. Pantas                  Fr. Jesus G. Ty                  Fr. Kenneth Hendricks                  Fr. Dario Bebillio                  Fr. Francisco Colasito</p>	<p><i>Newsletter Moderator:</i>                  Fr. Marvyn A. Maceda</p> <p><i>Encoder:</i>                  Vinna Sabroso</p> <p><i>Computer Specialist</i>                  Oscar O. Borrinaga</p> <p><i>Business Managers:</i>                  Rizalito V. Curso                  Conchita Calvez</p>	<p><b>PARISH FORMATION TEAM</b></p> <table border="0" style="width: 100%;"> <tr> <td>Eudoxia Canonoy</td> <td>Reymund Icaín</td> </tr> <tr> <td>Linda Roldan</td> <td>Jonnel Quilaneta</td> </tr> <tr> <td>Necitas Casado</td> <td>Alfredo Olaer</td> </tr> <tr> <td>Catalina Machete</td> <td>Alfredo Paghubasan</td> </tr> <tr> <td>Sonia Pitao</td> <td>Danny Jayubo</td> </tr> <tr> <td>Josephine Romero</td> <td>Gualberto Tonelete</td> </tr> <tr> <td></td> <td>Ramises Bongabong</td> </tr> <tr> <td></td> <td>Jorge Manco</td> </tr> <tr> <td></td> <td>Buddy Castro</td> </tr> </table>	Eudoxia Canonoy	Reymund Icaín	Linda Roldan	Jonnel Quilaneta	Necitas Casado	Alfredo Olaer	Catalina Machete	Alfredo Paghubasan	Sonia Pitao	Danny Jayubo	Josephine Romero	Gualberto Tonelete		Ramises Bongabong		Jorge Manco		Buddy Castro
Eudoxia Canonoy	Reymund Icaín																			
Linda Roldan	Jonnel Quilaneta																			
Necitas Casado	Alfredo Olaer																			
Catalina Machete	Alfredo Paghubasan																			
Sonia Pitao	Danny Jayubo																			
Josephine Romero	Gualberto Tonelete																			
	Ramises Bongabong																			
	Jorge Manco																			
	Buddy Castro																			

**Enero 15, 2006** - Pangilin ni Senyor Santo Niño  
 Basahon: Isaias 9:1-6/ Efeso 1:3-6,15-18/ Mateo 18:1-5,10

**Human sa pagbasa sa Ebanghelyo:**

Unsa man nga pulong o mga pulong sa Ebanghelyo ang nakapatandog kanimo? Ngano man?

**Tema:** (Basahon human sa mga paambit)

Ang Santo Niño magpabilin nga tipik sa atong kinabuhi. Ang paghatag nato'g bili niini nagpadayag lang sa atong tim-os nga relasyon sa Batang Jesus.

Tinuod mahiligon kita'g bata Nakadayeg kita sa ilang mga kinaiya ug mga hiyas. Tungod niini ang atong pagtagad sa Batang Jesus mitakdo sa naandang mga kinaiya sa mga bata. Gitan-aw nato ang kaayo, kalumo og kasingkasing, pagka-inosente ug pagkamatinud-anon sa Batang Jesus mao nga walay puas kitang nagdebosyon kaniya.

Ang larawan sa Sto. Niño nagtug-an kanato'g usa ka kamatuoran. Kadaghanan kanato mipili sa Batang Jesus kay sa "hingkod" nga Jesus. Kini tungod kay kadaghanan nato dili man gusto nga manginlabot si Jesus sa atong kinabuhi isip usa ka magtutudlo sa moralidad. Gusto man gud nato ang Jesus nga atong mapangayoan, mamandoan, mapamaraygan kay siya usa man ka suod nga higala, usa ka manghod nga igsoon, usa ka magtatabang. Dili kita nianang Jesus nga magtulisok sa atong tanlag.

Kon ingon niini ang atong pagdebosyon kang Senyor Sto. Niño, nan halayo ra kita sa tinuod nga kahulugan sa pagdebosyon. Mao kini ang matuod nga kahulugan sa pagdebosyon kaniya: nga kita mahatod ngadto pagsunod sa iyang mga hiyas.

**Pamalandongi kini:**

Sa imong pagdebosyon kang Senyor Santo Niño, nagpunay ka na ba lang og pangayo? Wala ka ba mosulay pagpuyo sa iyang mga hiyas?



**Enero 22, 2006** – Ikatulong Domingo Sulod sa Tuig  
 Basahon: Jonas 3:1-5,10/ 1Cor.7:29-31/ Markos 1:14-20

**Human sa pagbasa sa Ebanghelyo:**

Unsa man nga pulong o mga pulong sa Ebanghelyo ang nakapatandog kanimo? Ngano man?

**Tema:** (Basahon human sa mga paambit)

Basig ato na lang mataligam-an nga ang Maayong Balita maoy uyok sa Kristyanismo. Sa makadaghan god naghunahuna man kita niini isip usa ka koleksyon sa mga gipangtuohan, isip usa ka sistema nga espirituhanon ug mga pagpig-ot nga napanunod nato gikan kanila nga nakadawat niini gikan sa Dios ug sa tino nga paagi gipasa ngadto sa Simbahan.

Sa sinugdanan sa Kristyanismo, wala bayay mga pagtudlong langitnon mahitungod sa diosnong mga kamatuoran nga mitumaw gikan sa Unang Kamatuoran. Hinoon, nagsugod ang pagtuo pinaagi sa usa ka pihong hitabo. Ang Maayong Balita sa Dios mao ang iyang Anak, si Jesus. Makaingon siya nga: "Ania na ang gingharian sa Dios" tungod kay siya mismo mianhi na man. Diha kaniya ug pinaagi kaniya, gitukod sa Dios ang iyang gingharian diha sa iyang aktibong pagpangluwas sa katawhan.

Tungod niini, si Jesus mismo mao ang bantugang mangingisda. Nagkabig siyag mga tawo dili ginamit ang paghaylo kondili pinaagi sa pagsangyaw sa Maayong Balita. Mao kana ang timailhan sa pagtuong Kristohanon. Ang mga sakramento, ang mga giisip nga kabulahanan, ang Simbahan, ang pagpasaylo sa mga sala: kining tanan mao ang naglangkob sa Maayong Balita diha ni Jesus, ang pinadayag sa Amahan nga puno sa kalumo. Ang hugot nga pagdawat niini, ang walay kinutubang pagsunod kang Jesus: mao kini ang pagtuo, ang tinuod nga konbersyon. Dili kini usa ka pagdawat – diha sa hunahuna lamang – sa mga napanunod nga mga kamatuoran.

**Pamalandongi kini:**

1. Giunsa man nimo pagdawat ang mga gitudlo ni Cristo diha sa Ebanghelyo?
2. Sa imong pagdawat ug pagtuo sa mga gitudlo sa Simbahan, naghatod ba kini kanimo ngadto sa tinuod nga konbersyon o pag-usab sa imong kaugalingon?

**Enero 29, 2006** – Ikaupat nga Domingo Sulod sa Tuig  
Basahon: Deut 18:15-20/ 1Cor 7:32-35/ Markos 1:21-28

### Human sa pagbasa sa Ebanghelyo:

Unsa man nga pulong o mga pulong sa Ebanghelyo ang nakapatandog kanimo? Ngano man?

### Tema: (Basahon human sa mga paambit)

Usa ka Sabado niana si Jesus nakig-uban sa iyang unang mga tinun-an didto sa Capernaum. Didto iyang gipakita ang iyang talagsaong gahum pinaagi sa iyang pagtudlo ug pag-ayo sa mga giyawaan ug sa mga masakiton. Mao na nga sukad pa sa sinugdan sa iyang pagpangalagad baniog na kaayo siya sa tibook Galilea. Tapos sa iyang Pagkabanhaw, ang misyon sa tibook simbahan nagsugod niadtong dapita.

Sa ebanghelyo karong adlaw, si Jesus miadto sa sinagoga ug nagtudlo didto. Human manudlo ang magtutudlo sa Balaod, gibasa dayon ni Jesus ang teksto nga kinutlo gikan sa basahon sa propeta ug nagwali siya sama sa iyang gibuhat didto sa Nasaret (Lucas 4:16). Ang mga namati kaniya nahibulong ug natingala. Sukwahi sa sagad himuon sa mga magtutudlo sa Balaod kansang mga pagpanudlo gibase sa mga komentaryo sa ilang mga maestro, si Jesus misulti binase sa iyang kaugalingong awtoridad. Ug gipamatud-an ni Jesus ang iyang awtoridad diha sa iyang pag-ayo sa tawo nga giyawaan. Tungod niini nakapangutana ang katawhan: Kinsa man diay kining tawhana?

Daghan ang nabalisa tungod sa maong milagro. Dili makatugot ang anaa sa natad sa medisina nga may gamhanan pa kay kanila. Bisan pa man, ang mga batid sa siyensya miila nga aduna pay mas labaw kay sa unsay makita sa mga mata sa tawo. Sama sa mga tawo sa Capernaum, kita nga nagpuyo niining panahon diin milambo ang teknolohiya angayan usab nga mangutana: Kinsa man diay kining tawhana?

### Pamalandongi kini:

Aduna bay kaugalingong butang nga gihimo ni Jesus sa imong kinabuhi? Nakasinati ka ba sa iyang maka-alim nga gugma?

## BEC ACTIVITIES

### Enero 2006

January 7 – ( 1st Saturday)

#### Cluster Fellowship

BEC Ilaya & Smo. Rosario

Venue: Cathedral Church

Time: 7:00 pm.- 10:00 pm.

January 21- ( 3rd Saturday)

#### PAROCHIAL FELLOWSHIP

Venue: Brgy. Caraycaray Chapel

Time: 8:00 am. – 3:00 pm.

January 22 – ( 4th Sunday )

#### PAROCHIAL FELLOWSHIP

Venue: Brgy. Larrazabal Chapel

Time: 8:00 am.- 3:00 pm.

## BEC ANNIVERSARY

### BEC ILAYA CENTRAL

January 10, 2006 (Tuesday)

### BEC BERNARDES VILLAGE

January 12, 2006 ( Thursday)

### BEC ILAYA SOUTH

January 21, 2006 ( Saturday)

### BEC Brgy. ANISLAGAN

January 23, 2006 ( Monday)

### BEC Brgy. CARAYCARAY zone 1

January 24, 2006 ( Tuesday )

### BEC Brgy. SMO. ROSARIO zone 3

January 25, 2006 ( Wednesday )

### BEC Brgy. VILLACANEJA

January 25, 2006 ( Wednesday )